

Re Botse dipotso tsa gago

1. Ke mang yo o ka dirang kopo ya phimolakeledi?

Badiramoepong ba ga jaana le ba mo nakong e e fetileng ba ba dirileng tiro e e kotsi kwa moepong wa gauta o o tshwanelegang mo pakeng e e tshwanelegang ya 12 Mopitlwe 1965 – 10 Sedimonthole 2019, le yo o tshwaeditsweng ke TB kgotsa Silikhosise ka ntlha ya go dira tiro e e kotsi ya go nna jalo.

[Leba lenaane la meepo ya gauta e e tshwanelegang le dipaka tse di tshwanelegang fano.](#)

2. Letlha la 12 Mopitlwe 1965 le tlhophilwe jang, le gone ke goreng le tlhophilwe?

Letlha le le tlhophilwe ka gonne le direga ka nako e le nngwe le go tsenda tirisong ga mokgwataolo o montšha, o o dirilweng go tsamaisana le Molao wa Meepo le Ditiro wa bo27 wa 1956 ("Nkala and Others v Harmony Gold Mining Company Limited and Others, temana 51").

3. Ke goreng go tlhophilwe 10 Sedimonthole 2019 go nna letlha le tumelano e simololang go dira ka lone?

Le ke letsatsi le ka lone go neng go dirwa molawana wa bofelo o o tshwanetseng go dirwa pele go dirwa tumelano ya go leboga tiro. Mo lebakeng le baruni ba ne ba tlhoka go romela kitsiso kwa bathong ba ba neng ba itlhopela go sa tseye karolo mo tumelanong ya go leboga tiro.

4. Nka tlhola jang gore a ke na le tshiamelo?

O ka tlhola dintlha tsa gago mo <https://www.tshiamisotruster.com/status-check> kgotsa o ka leletsa mogala wa lefelothuso la rona mo **080 1000 420** fa o le mo Aforikaborwa kgotsa leletsa **00 27 10500 6186** fa o le kwa ntle ga Aforikaborwa.

5. A modiri wa konteraka yo o dirileng kwa moepong o o tshwanelegang wa gaTuta mo pakeng e e tshwanelegang a ka romela tleleimi?

Ee, fa o tshwaeditswe ke TB kgotsa Silikhosise e e bakilweng ke tiro ka nako e o neng o dira tiro e e kotsi, kwa moepong wa gaTuta o o tshwanelegang mo pakeng e e tshwanelegang.

6. Tiro e e kotsi ke efe?

Tiro e e kotsi ke tiro ya mo moepong e e tsenyang modiramoepong mo kotsing ya go hema lerole la silikha le le nang le bokgoni jwa go baka silikhosise le TB. Silikha e fitlhelwa mo majeng a gauta le tiro ya go epa e e ntshang lerole le le nang le silikha. Badiramoepong ba ba dirang mo meepo ya gauta, ka fa tlase ga lefatshe kgotsa mo godimo ga lefatshe ke bone ba ba mo kotsing e kgolo thata ya go hema lerole la silikha.

7. A phimolakeledi e e maleba fela mo badiramoepong ba ba neng ba dira mo tlase ga lefatshe?

Nyaa, e maleba mo badiramoepong botlhe ba ba tshwaeditsweng ke silikhosise kgotsa TB e e koafatsang pelo le makgwafo ka ntlha ya go dira tiro e kgotsi kwa moepong mongwe wa meepo e e tshwanelegang magareng ga 12 Mopitlwe 1965 – 10 Sedimonthole 2019 le ba ba nang le bokoa jwa leruri jwa go hema ka ntlha ya seo. Tiro e e kotsi e ka akaretsa mefuta e e rileng ya tiro ya mo godimo ga lefatshe moo badiramoepong ba neng ba le mo kotsing ya go hema lerole la silikha.

8. A nka kgona go dira tleleimi mo boemong jwa motsadi wa me yo o tlhokofetseng?

Ee, batlhokomelwa kgotsa modiragatsi wa boswa jwa moswi ba ka dira tleleimi. Le ga go ntse jalo, o tshwanetse go lemoga gore tleleimi ya modiramoepong yo o tlhokofetseng pele ga 10 Sedimonthole 2019 e tlaa nna le tshiamelo fela fa go kailwe gore sebakosegolo sa loso ke silikhosise kgotsa TB, kgotsa fa go na le setifikeiti se se letleletsweng sa ODMWA kgotsa mabaka a

Re Botse dipotso tsa gago

mangwe a a kgethegileng. Ikgolaganye le lefelothuso la rona go utlwa gore ke ditokomane dife tse o tlaa di tlhokang.

9. A ke duelela go dira tleleimi kgotsa go itlhaganedisa tiragatso ya tleleimi ya me?

Nnyaa, tiragatso ya go dira tleleimi ya Terasete ke mahala. O se ke wa duela ope go dira tleleimi kgotsa go duela mongwe yo o go solofetsang go itlhaganedisa tleleimi ya gago. Ke batlhankedi ba Terasete fela ba ba letleletsweng ke Kano ya Terasete go thusa go diragatsa ditlleleimi le go bona gore a tleleimi e na le tshiamelo ya go bona phimolakeledi. Tlhotlhwa e le nngwe fela e badirakopo BA KA NNANG ba tlhoka go e duela ke ya Tlhatlhobo ya Bongaka ya Go Netefatsa Tshiamelo (BME), MME go nna jalo fela FA modiramoepong a dirile Tiro e e Kotsi mo sebakeng se se sa feteng dingwaga tse tlhano kwa Moepong o o Tshwanelegang. Le fa go ntse jalo, tlhotlhwa e e tlaa busediwa modiramoepong fa go fitlhelwa gore o na le tshiamelo ya bongaka. Se se tlhalositswe mo Kanong ya Terasete.

10. A Terasete e setse e duetse ditlleleimi dingwe?

Ee, re ntse re duela ditlleleimi fa e sale go tloga ka Sedimonthole 2020. Tswelelopele ya rona e ka lebelelwa fano:

<https://www.tshiamisotrusted.com/information/progress-report/>.

11. Ke goreng ditlleleimi di tsaya lobaka lo lo leele jaana?

Terasete e amogela diketekete tsa ditlleleimi mme tleleimi nngwe le nngwe e feta mo dikgatong di le robedi tsa tiragatso ya go dira tleleimi jaaka go tlhalositswe mo Kanong ya Terasete. Tiragatso e dirwa ka matsetseleko a a makatsang mme e tlhoka nako e ntsi thata mo setlhopheng se se nnye se se dirang ka natla. Go bona dikgatotse robedi tobetsa linki:

<https://www.tshiamisotrusted.com/information/how-to-claim/>

12. Go sa nne le tshiamelo go raya eng?

Se se raya gore tleleimi ya gago ga e a atlega le gore ga e na tshiamelo jaaka go tlhalositswe mo Kanong ya Terasete. Seno e ka nna ka ntlha ya mabaka a a farologaneng a o ka a bonang mo linking e o tlaa e amogelang ka SMS.

13. Ke goreng ke se na tshiamelo le mororo MBOD e ntueletse gore ke na le TB/Silikhosise?

MBOD le Terasete ya Tshiamiso ke ditheo tse pedi tse di ikemetseng, sengwe le sengwe se na le dipholisi tsa sone le mokgwa tiriso o o tshwanetseng go fitlhelwa le go obamelwa gore modira tleleimi a nne le tshiamelo ya go bona phimola keledi mo setheong sengwe, kgotsa mo go tsone ka bobedi.

14. Go dirisiwa mokgwa tiriso ofe go bona gore ke tlaa amogela bokae ?

Madikabo a tlaa ikaega ka bomasisi jwa bokoa jwa leruri jwa go hema jo bo bakilweng ke bolwetse jwa makgwafo jo bo tseneng modira moepong mo tirong, jo bo ka duelelwang phimolakeledi, gammogo le hisetori ya gagwe ya go dira mo meepong e e tshwanelegang le e e sa tshwanelegang.

15. A phimola keledi e a boelediwa fa go tlhomamisiwa gore ke tshwaeditswe ke TB kgotsa silikhosise?

Nnyaa, ke tuelo e e dirwang gangwe fela, le fa go ntse jalo, fa go fitlhetswe gore ga o na tshiamelo ya bongaka ya go duelwa phimola keledi o ka romela tleleimi e nngwe fa o dumela gore e sale wa nna le bolwetse jwa TB - kgotholo e tona e amanang le tiro kgotsa silikhosise. Tlhotlhwa ya tlhatlhobo ya bongaka ya go dira tleleimi ya bobedi e tlaa duelelwa ke modira tleleimi. Le fa go ntse jalo, tlhotlhwa e e tlaa busediwa fa e le gore go fitlhelwa gore modira moepong o na le tshiamelo go ya ka tlhatlhobo ya bongaka. Se se tlhalositswe mo Kanong ya Terasete.

Re Botse dipotso tsa gago

16. Terasete e dira eng go batla badirakopo ba ba nang le tshiamelo?

Terasete e rerisana gangwe le gape le Mekgatlho ya Badirameepong, Puso, Mekgatlho ya Baagi, TEBA le bannaleseabe ba bangwe ba botlhokwa ba ba nang le thotloetso mo go thuseng go batla badira meepong. Gape re dirisa mefutafuta ya maraanyane a boitapoloso.

17. A Terasete e lekanyeditswe go nna le dipalo tse di rileng tsa ditleleimi tse e di amogelang le tse e di diragatsang?

Ga go na tekanyetso mo palong ya ditleleimi tse re di amogelang. Modira tleleimi mongwe le mongwe yo o nang le tleleimi e e nang le tshwanelo e e rurifaditsweng le go tlhomamisiwa ke Terasete o tlaa amogela phimolakeledi e e mo tshwanetseng.

18. Fa ke ne ke dirile tleleimi kwa Teraseteng ya Qhubeka, a nka dira tleleimi gape le Terasete ya Tshiamiso?

Nnyaa, phimola keledi e e bonwang ka Terasete ya Tshiamiso ga e maleba mo bathong ba ba neng ba le karolo ya Terasete ya Qhubeka le ditumelano tsa Blom tsa go leboga tiro, e bile ga e dire mo bathong ba le mmalwanyana ba ba neng ba itlhophetse go se tseye karolo mo tumelanong ya go leboga tiro e e dirilweng mo pakeng ya dikgwedi tsa bofelo tsa 2019.

19. Terasete ya Tshiamiso e dirisana jang le Biro ya Bongaka ya Malwetse a a bakilweng ke Maemo a kwa Tirong ("MBOD")?

Terasete e dirisana mmogo le MBOD go bona tshedimosetso ka ga badira tleleimi ba ba nang le tshiamelo, ba mo nakong e fetileng ba dirileng dikopotuelo kwa MBOD tsa go bona phimola keledi. Re leka gape go efoga maiteko a a sa tlhokegeng a go boeletsa tiro e e setseng e dirilwe malebana le badira tleleimi ba ba nang le tshwanelo ya go amogela ditshiamelo go tswa mo Teraseteng le MBOD ka bobedi.